



Siaran Akhbar

MCMC MERAIKAN KAKITANGAN YANG BERJAYA MENAMATKAN PROGRAM *ACCELERATED LEADERSHIP PROGRAM (2020–2022)*

CYBERJAYA, 10 Februari 2023 -- Suruhanjaya Komunikasi dan Multimedia Malaysia (MCMC) telah mengadakan Majlis Penutup Program *Accelerated Leadership Program Series* ALPs Kohort 1 di Auditorium MCMC bagi meraikan 39 kakitangan MCMC yang telah berjaya menamatkan program ALPs kohort 1 (2020-2022) dan memperolehi Ijazah Sarjana Pentadbiran Perniagaan (MBA) dari Sekolah Perniagaan Antarabangsa Azman Hashim (AHIBS), Universiti Teknologi Malaysia (UTM) serta menerima Pensijilan Profesional PRINCE2 pada tahun lepas.

Program ini turut menyaksikan lima (5) kakitangan MCMC meraih Anugerah Pelajar Pasca Siswazah Terbaik (Anugerah Akademik), dua (2) kakitangan memenangi tempat kedua dalam *Fall 2022 Capsim Challenge* (Anugerah Global), empat (4) pemenang bagi *Azman Hashim Business School Action Research Challenge 2021* dan dua (2) lagi pemenang *Azman Hashim Business School Pitch for Funding* bagi Idea Penyelidik Terbaik di seluruh UTM MBA.

“Ini adalah satu kejayaan buat MCMC dalam usaha memperkasakan modal insan serta mempersiapkan pemimpin masa hadapan yang berpotensi untuk mengambil alih tampuk kepimpinan MCMC kelak. Kami amat berbangga dengan pencapaian kesemua bakat kami dan hari ini dan kami meraikan pencapaian mereka yang telah berjaya menyempurnakan program ALPs,” Ketua Pegawai Operasi MCMC YBhg. Dato’ Mohd Ali Hanafiah Mohd Yunus.

Turut hadir pada majlis ini adalah Ketua Bahagian Modal Insan MCMC Dr. Murugappan, barisan Pengurusan Tertinggi MCMC, serta delegasi dari UTM, iaitu Timbalan Naib Canselor UTM YBhg. Professor Sr. Dr. Hishamuddin Mohd Ali, Dekan AHIBS UTM, Assoc. Prof. Dr. Rosmini Omar dan Pengarah UTSB UTM, YBrs. Prof. Emeritus Datuk Ir. Dr. Mohd Azraai Kassim.

Program ALPs ini adalah program yang ditaja sepenuhnya oleh MCMC untuk pembangunan kepimpinan khusus bagi kakitangan MCMC dalam kumpulan eksekutif *senior* dan *junior*, berdasarkan Model Kecekapan Tingkah Laku (BCM) dan Ciri Kepimpinan Digital.

Kesemua 39 kakitangan MCMC yang berjaya ini telah melalui proses pemilihan yang teliti dan melalui program pembangunan oleh Bahagian Modan Insan MCMC sebelum disenarai pendek untuk memulakan program ALPs di bawah inisiatif Program Pembangunan Kepimpinan MCMC. UTSB/AHIBS telah dipilih oleh MCMC sebagai rakan kongsi menerusi proses tender bagi menjalankan program ALP kohort 1 dan kesemua peserta telah menjalani latihan kepimpinan selama 18 bulan mengikut fasa pembangunan ALPs.



Majlis Penutup Program Accelerated Leadership Program Series ALPs Kohort 1 di Auditorium MCMC

JABATAN KOMUNIKASI KORPORAT MCMC

Suruhanjaya Komunikasi dan Multimedia Malaysia | Malaysian Communications and Multimedia Commission
MCMC Tower 1, Jalan Impact, Cyber 6, 63000 Cyberjaya, Selangor MALAYSIA
T: + 60 3 86 88 80 00 | F: + 60 3 86 88 10 00 | E: scd@mcmc.gov.my | W: www.mcmc.gov.my



Suruhanjaya Komunikasi
Dan Multimedia Malaysia



MCMC_RASMI



SKMM_MCMC



MCMCTV